

Headline	FRIM galak penghasilan inovasi untuk komersial		
MediaTitle	Utusan Malaysia		
Date	20 Dec 2018	Color	Full Color
Section	Mega	Circulation	112,050
Page No	24	Readership	336,150
Language	Malay	ArticleSize	885 cm <sup>2</sup>
Journalist	INTAN SUHANA CHE OMAR	AdValue	RM 17,491
Frequency	Daily	PR Value	RM 52,474



DR. ABD LATIF MOHMUD ( tengah ) bersama sebahagian daripada pegawai dan kakitangan pada majlis perasmian Hari Inovasi FRIM di Kepong baru-baru ini.

Oleh **INTAN SUHANA CHE OMAR**  
intansuhanaomar@gmail.com



# FRIM galak penghasilan inovasi untuk komersial

**M**EMBUDAYAKAN inovasi merupakan satu usaha penting yang harus dipupuk dalam membentuk masyarakat pencipta dan bukan semata-mata pengguna.

Itu yang dilakukan Institut Penyelidikan Perhutanan Malaysia (FRIM) yang menggalakkan budaya inovasi dalam kalangan kakitangannya supaya mereka cipta sesuatu inovasi yang boleh dikomersialkan.

Ia direalisasikan melalui sambutan Hari Inovasi FRIM yang kini memasuki tahun ke-10 penganjurannya bertepatan Inovasi Penggerak Pengkomersialan.

Menurut Ketua Pengarahnya, **Datuk Dr. Abd. Latif Mohmod**, sambutan bertujuan mewujudkan platform bagi kakitangan mengetengahkan inovasi dalam membantu peranan dan sistem penyampaian perkhidmatan FRIM. Ia juga bagi membentuk persekitaran ekosistem yang kondusif bagi menggalakkan aktiviti inovasi.

Katanya, bertepatan dengan tema sambutan kali ini, FRIM berhasrat mempromosikan inovasi bagi tujuan pengkomersialan.

"Tahun ini buat pertama kalinya kami menganjurkan Pertandingan Reka Cipta dan Inovasi untuk kakitangan sokongan sebagai penghargaan terhadap sumbangan mereka dalam kelestarian inovasi di



**YAHYA MARHANI** bersama ahli kumpulannya berjaya memenangi tempat kedua Pertandingan Reka Cipta dan Inovasi sempena Hari Inovasi FRIM di Kepong baru-baru ini menerusi *Woodfoodkit*.

FRIM.

"Tujuannya supaya mereka berasaskan menjadi sebahagian daripada kumpulan penyelidik dan sama-sama menyumbang dalam penciptaan inovasi baharu. Ini memandangkan mereka merupakan kelompok yang selalu turun padang. Oleh itu, mereka tahu masalah-masalah di lapangan yang perlu diperbaiki," katanya.

Setakat ini, FRIM telah merekodkan peningkatan jumlah pendaftaran reka bentuk industri (ID) bagi tahun ini. Sebanyak 32 ID didaftarkan sehingga September lalu berbanding 26 ID pada tahun

lalu.

FRIM juga menerima tujuh pengiktirafan paten iaitu yang tertinggi diterima setakat ini selain menjalankan 33 perkhidmatan perundingan bernilai RM1.8 juta.

Tambah Abd. Latif, pihaknya juga membangunkan beberapa aplikasi mudah alih seperti *FRIM's App* dan *HerbaXpress* dengan hasrat menggunakan pendekatan teknologi sebagai suatu medium sebaran maklumat.

"Ini merupakan suatu platform baharu FRIM bagi menyampaikan maklumat kepada orang ramai.



**MOHD YAMIN YUSOF** ( dua dari kanan ) bersama ahli kumpulannya yang berjaya memenangi tempat kedua Pertandingan Reka Cipta dan Inovasi sempena Hari Inovasi FRIM di Kepong baru-baru ini.

“

Tahun ini, buat pertama kalinya kami menganjurkan Pertandingan Reka Cipta dan inovasi untuk kakitangan sokongan sebagai penghargaan terhadap sumbangan mereka dalam kelestarian inovasi di FRIM."

"Selain itu, kita turut membangunkan aplikasi mudah alih *MyWood ID* untuk pengesanan kayu tropika.

Dengan ini, FRIM mengorak langkah dalam meluaskan bidang penyelidikan dan pembangunan kepada satu platform pengkomersialan

yang memberi manfaat kepada industri perkayuan," katanya.

Jelasnya, aplikasi tersebut dapat membuat pengesanan bagi 100 spesies kayu tropika dan disediakan bagi memudahkan pengesanan spesies kayu oleh individu atau syarikat yang memerlukan.